

NË EMËR TË POPULLIT

11-00-2018

GJYKATA THEMELORE NË FERIZAJ-Departamenti i Përgjithshëm-Divizioni Penal

- në përbërje nga gjyqtarja e vetme gjykuese Hysnije Gashi si dhe me zyrtaren ligjore Albana Ujupi në çështjen penale kundër të pandehurit [REDACTED] me vendbanim në fshatin [REDACTED] Komuna Ferizaj, për shkak të veprës penale posedim i paautorizuar i narkotikeve, substancave psikotrope ose analoge nga neni 275 par.2 të KPRK-së, sipas Aktakuzës së Prokurorisë Themelore në Ferizaj PP/II.nr.2272-6/17 të datës 28 dhjetor 2017, pas mbajtjes së shqyrtimit fillestar, në praninë e përfaqësuesit të akuzës – Prokurorit të Shtetit Avdullah Abedini të pandehurit, [REDACTED], me datë 22.03.2018 mori dhe publikisht komunikoi, ndërsa me datë 27.03.2018 përpiloi me shkrim këtë:

AKT GJYKIM

I akuzuari:

[REDACTED] me vendbanim në fshatin [REDACTED], Komuna Ferizaj, i lindur me dt [REDACTED] nga i ati [REDACTED], e ëma [REDACTED], e gjinisë [REDACTED], ka të kryer shkollën mesme, i gjendjes së dobët ekonomike, shqiptar, shtetas i Republikës së Kosovës.

ËSHTË FAJTOR

Sepse

Me datë 13 tetor 2017 rreth orës 18:20h, në Ferizaj përkatësisht mbrapa shkollës së bujqësisë “Zenel Hajdini” gjate planit operativ “Stop drogave në Shkollë” me rastin e ndaljes dhe kontrollit nga ana e zyrtareve policor është konstatuar se i pandehuri pa autorizim posedonte substancë narkotike të llojit marihuane me peshë prej 0.95 gram, e cila iu është gjetur në një qese dhe njëjta iu sekuestrohet nga ana e zyrtarëve policor.

Me të cilën ka kryer veprën penale posedim i paautorizuar i narkotikeve, substancave psikotrope ose analoge” nga neni 275 par.2 të KPRK-së

Andaj në bazë të dispozitës ligjore të sipër theksuar, si dhe dispozitave ligjore nga neni 4,8,17,21,28, 41,42,43,45,46,73,74,75 të KPK-së, si dhe nenit 365 të KPPK-së, të pandehurin e

GJYKON

DËNIM ME GJOBË në lartësi prej 200€ /dyqind euro/ të cilin gjobë është i obliguar ta paguaj në afat prej 15 ditëve pas plotfuqishmërisë së këtij aktgjykimi.

Në rast se dënimi me gjobë nuk mundë të ekzekutohet në format tjera sipas nenit 46 par.3 të KPRK-së, i njëjti do ti shndërrohet në dënim burgu ashtu që për çdo 20 euro, do ti llogaritet 1(një) ditë burg.

Obligohet i akuzuari që ne emër të shpenzimeve të procedurës të paguaj shumën prej 20€ /njëzet/ euro, në afat prej 15 ditëve, nga dita kur aktgjykimi të merr formën e prerë nën kërcënimin e përmbarimit me dhunë.

Detyrohet i akuzuari që për kompensimin e Viktimave të Krimit obligohet ta paguaj shumën prej 30€(tridhjetë/euro), brenda afatit prej 15 ditësh nga dita e plotfuqishmërisë së këtij aktgjykimi.

A r s y e t i m i

PTH në Ferizaj me aktakuzat PP/Il.nr.2272-6/17 të datës 28 dhjetor 2017, ka ngarkuar të akuzuarin [REDAKTUAR] me vendbanim në fshatin [REDAKTUAR] Komuna Ferizaj, për shkak të veprës penale posedim i paautorizuar i narkotikeve, substancave psikotrope ose analoge” nga neni 275 par.2 të KPRK-së, mbeti në tërësi pranë aktit akuzues, duke kërkuar që i pandehuri të shpallet fajtor dhe ti shqiptohet sanksion penal i paraparë me ligj.

Gjykata pasi studioi materialet e çështjes penale të paraqitur për gjykim, çmoi se çështja është në juridiksionin e saj dhe gjykimi i kësaj çështje penale duhet të realizohet përpara kësaj

gjykate. Po kështu është në kompetencën lëndore dhe territoriale të kësaj gjykate, pasi vepra penale për të cilën është proceduar i pandehuri gjykohet nga gjyqtari i vetëm

Gjykata duke vepruar sipas kësaj akuze caktoi dhe mbajti seancën e shqyrtimit fillestar me datë 22.03.2018, në të cilën shqyrtim gjyqësor: *i akuzuari është deklaruar fajtor për veprën për të cilën me ngarkon akuza, duke shprehur pendimin e thellë veprë penale të kryer, i vetëdijshëm për pranimin e fajësisë si dhe pasojat që mund të vinë nga ky pranim me vetëdije dhe në shenjë pendimi pranoj veprën penale, i premtoj gjykatës se me nuk do të kryej veprë penale, andaj i kërkoj gjykatës të më shqipton një dënim sa të butë.*

Prokurori i Shtetit Avdullah Abedini duke shprehur mendimin e tij përkitazi me pranimin e fajësisë, ka vlerësuar se ekziston baza për pranimin e fajësisë së të akuzuarit, duke i propozuar Gjykatës që të akuzuarin ta shpall fajtor dhe të i shqipton dënim sipas ligjit.

Pasi që i akuzuari ka pranuar fajësinë që në fillim të shqyrtimit gjyqësore, Gjykata për të vlerësuar pranimin e fajësisë e duke pasur parasysh edhe mendimin e Prokurorit të Shtetit, shqyrtoi me kujdes faktet e parapara nga neni 248 par. 4 KPPK-së, edhe pas udhëzimit në kuptim të nenit 323 par. 2 të KPPK-së dhe me këtë rast vlerësoi se:

- i akuzuari ka kuptuar natyrën dhe pasojat e pranimin të fajit;
- pranimi është bërë vullnetarisht;
- pranimi i fajit mbështet në faktet dhe prova materiale të rastit konkret dhe atë me provat e paraqitura nga Prokurori i Shtetit përkatësisht mbrojtja e të akuzuarit në shqyrtimin fillestar dhe atë: raporti i policit vërtetimi mbi konfiskimin e sendeve i datës 11 tetor 2017 fotografitë e dëshmisë se sekuestruar si provë materiale si dhe fotografit të cilat gjenden në shkresat e lendes, të gjitha këto prova të mbledhura gjatë procedurës hetimore;
- si dhe akuza nuk përmban asnjë shkelje të qartë ligjore ose gabime faktike.

Gjykata pas administrimit të provave në shqyrtim gjyqësor publik dhe vlerësimit të tyre një nga një dhe në lidhje me provat e tjera, ku në bazë të vlerësimit të tillë vërtetoi gjendjen faktike të përshkruar si në dispozitiv të kësaj aktakuze.

Meqenëse i pandehuri ka pranuar fajësinë e cila është në përputhje me kriteret e përcaktuara me nenin 248 par.1 të KPPK-së, gjykata konform nenit 248 par.4 të KPPK-së ka vazhduar me shqiptimin e dënimit.

Vlerësuar nga aspekti juridik gjykata gjeti se në veprimet e të pandehurit ekzistojnë të gjitha tiparet objektive dhe subjektive të veprës penale "rrezikimi i trafikut publik" nga neni 378 par. 8 lidhur me paragrafin 6 dhe 1 të KPRK-së.

Me rastin e matjes së llojit dhe lartësisë së dënimit gjykata vlerësoi të gjitha rrethanat në kuptim të nenit 73 të KPRK-së, dhe gjeti si rrethanë lehtësuese se në shqyrtimin fillestar ka pranuar fajësinë, duke e shprehur pendimin e sinqertë dhe real për veprën penale të kryer, nuk është vërtetuar se ka qenë i dënuar me ndonjë aktgjykim të formës së prerë, e që këto rrethana i ndërlidhi me rrethanat personale, është i moshës së ri, në mungesë të rrethanave veçanërisht rënduese, gjykata vlerësoi shkallen e përgjegjësisë penale të të pandehurit dhe rrezikshmërinë konkrete të veprës penale, andaj duke marrë parasysh tërësinë e këtyre rrethanave, të pandehurit i shqiptoi dënim si në dispozitiv të këtij aktgjykimi, me bindjen se në rastin konkret do të arrihet qëllimi i dënimit të preventives speciale dhe asaj gjenerale, ku një dënim i tillë është adekuat dhe në proporcion të drejtë në raport me peshën e veprës penale, rrethanave të kryerjes së veprës penale, shkallen e përgjegjësisë penale dhe personalitetin e të pandehurit.

Obligohet i akuzuari që në emër të shpenzimeve të procedurës të paguaj shumën prej 20€ /njëzet/ euro, në afat prej 15 ditëve, nga dita kur aktgjykimimi të merr formën e prerë nën kërcënimin e përmbartimit me dhunë.

Detyrohet i akuzuari që për kompensimin e Viktimave të Krimit obligohet ta paguaj shumën prej 30€(tridhjetë/euro), brenda afatit prej 15 ditësh nga dita e plotfuqishmërisë së këtij aktgjykimi.


Në bazë të së theksuarës më lartë u vendos si në dispozitivit të këtij aktgjykimi

GJYKATA THEMELORE NË FERIZAJ

P.nr.3327/17, Me dt.27.03.2018

**Zyrtare ligjore,
Albana Ujupi**

**Gjyqtarja,
Hysnije Gashi**



KËSHILLA JURIDIKE: Kundër këtij aktgjykimi është e lejuar ankesa, në afat prej 15 ditëve nga dita e pranimit, Gjykatës së Apelit në Prishtinë nëpërmjet Gjykatës Themelore Ferizaj.